

**Служба священномученикам Александру Белякову,
Александру Никольскому, Валенту Никольскому, Иоанну
Быстрову, Иоанну Никольскому, Иоанну Флерову, Андрею
Бенедиктову, Петру Сахаровскому, пресвитерам**

(4 октября н.ст.)

На Господи, возвах: стихиры праздника 3 и святых, глас 1.

Прехвальнии священномученицы славнии,/ вас ни темница изнурила есте,/ ни глад умори, ни озлобления и раны смятоша,/ во еже разлучити вас от любви Божия/ и благодарованныя паствы./ Темже Христу, святии, молитесь/ даровати Церкви нашей// мир и велию милость.

Всехвальнии священномученицы многострадальнии,/ от братьей по плоти страдания до крове претерпевая,/ в себе помышляли есте,/ яко Господа ради умерщвляеми есмы/ и несть наша брань противу плоти и крови,/ но к миродержителю тьмы века сего./ Темже Христу, святии, молитесь// даровати земли нашей мир и велию милость.

Преславнии священномученицы,/ вы жертву безкровную первее благоговейне совершая,/ послежде, яко всеплодие,/ себе самих в жертву живую принесли есте,/ моля, да простится грех богоборчества народа нашего./ И ныне Христу, святии, молитесь/ даровати людем российским// мир и велию милость.

Слава, глас тойже:

Церкве Российския славо и Отечества нашего украшения,/ священномученицы Александре, Иоанне,/ Иоанне, Валенте, Андрее,/ Иоанне, Петре, Александре,/ властью, от Бога вам данною,/ ругатели безбожныя обличали есте,/ и, яко волки лютыя, от стада вашего отгнали есте/ и диавола посрамили есте,/ кровь же ваша, яко Авелева,/ от земли нашей вопиет немолчно./ Сего ради ходатаи на Небеси о нас вернии будете// и молитесь спасти души наши.

И ныне, праздника

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ наидоша на них священники и воевода церковный, и саддукей,/ жалеюще си, за еже учить им люди и возвещати о Иисусе воскресение мертвых;/ и возложиша на них руки и положиша их в соблюдение до утрия:/ бе бо вечер уже./ Мнози же от слышавших слово вероваша:/ и бысть число мужей яко тысящ пять./ Бысть же наутрие собратися князем их, и старцем, и книжником во Иерусалим:/ и Анне архиерее, и Каиафе, и Иоанну, и Александру,/ и елицы беша от рода архиерейска./ И, поставльше их посреде, вопрошаху:/ кою силою, или коим именем сотвористе сие вы?/ Тогда Петр, исполнився Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распяте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зыждущих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом беста;/ видяще же исцеленнаго человека с ними стояща,/ ничтоже имяху противу рещи./ Повелевше же има вон из сонмища изыти,/ стязавхуся ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострется в людех,/ прещением да запретим има кому не глаголати о имени сем ни единому от человек./ И призавше их,/ заповедаша има отнюдь не провещавати, ниже учить о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, призапрещше има, пустиша я,/ ничтоже обретше, како мучити их, людей ради,/ яко вси прославляху Бога о бывшем:/ лет бо

бѣше множае четѣредесяти человекъ той,/ на немже бысть чудо сие исцелѣния.

Деяний святыхъ апостол чтѣние (глава 4):

Во дни оны, отпущена бѣвша апостола приидоста ко своимъ и возвестѣста,/ елика къ нѣма архиереи и старцы рѣша./ Онѣ же, слышавше, единодушно воздвигоста гласъ къ Богу и рекоста:/ Владыко, Ты, Боже, сотворивый небо и землю и море и вся, яже в нихъ,/ Иже усты Давида, отрока Твоего, рече:/ вскую шаташася языцы и людие поучишася тщетнымъ?/ Предсташа царие зѣмстии,/ и князи собрашася вкупѣ на Господа и на Христа Его./ Собрашася бо воистину во граде семъ на святаго Отрока Твоего Иисуса,/ Егоже помазал еси,/ Ирод же и Понтийскій Пилатъ, съязыки и людьми израилевыми,/ сотворити, елика рука Твоя и советъ Твой преднарече быти./ И ныне, Господи, призри на прещенія ихъ/ и даждь рабѣмъ Твоимъ со всякимъ дерзновѣниемъ глаголати слово Твое,/ внемгда руку Твою прострѣти Ти во исцелѣния,/ и знаменіемъ и чудесѣмъ бѣвати именемъ святымъ Отрока Твоего Иисуса./ И помолѣвшимся имъ, подвижеся мѣсто, идеже бяху собрани,/ и исполнѣшася вси Духа Свята,/ и глаголаху слово Божіе со дерзновѣниемъ.

На стиховне стихѣры, гласъ 6

Столпи непоколебѣими Русскія Церкви были есте,/ гонѣнія люта претерпѣвая,/ день и ночь въ молитвѣ подвижались есте, священномученицы,/ огнемъ ревности и духомъ кротости/ паству вашу ко Христу путеводя,// темъ васъ любовію почитаемъ.

Стихъ: Священники Твоя облекутся въ правду// и преподобнии Твоя возрадуются.

Вѣрнии Богу и Церкви были есте даже до смѣрти,/ священномученицы славнии,/ ныне же, съ лики новомучениковъ и исповѣдниковъ Россійскихъ/ предстоя Христу Царю,/ молитесь съ ними прилежно// даровати намъ миръ и велию милость.

Стихъ: Честна предъ Господемъ// смерть преподобныхъ Его.

Душевная и телесная страданія ваша/ и смерть за Господа вольная отъ безбожныхъ/ отверзоста вамъ, святѣи,/ врата жизни вѣчныя/ и укрепѣша

братий ваших исповѣдати Христа./ Тѣмже Ему молитеся присно,// да утвердится Православие на Руси во веки.

Слава, глас 4:

Ангели страданием вашим дивляхуся,/ и Церковь Небесная радостно вас прият,/ достохвальный священномученицы,/ Ныне же, священной руке ваши/ к Престолу Святыя Троицы простирая,/ поминайте землю Русскую,/ юже возлюбил естесет,// моля о спасении славящих вас благочестно.

И ныне, праздника

Тропарь, глас 3:

Церкве Русския столпы непоколебимыи,/ благочестия правило,/ жития евангельскаго образы,/ священномученицы Александре, Иоанне, Иоанне, Валенте,/ Андрее, Иоанне, Петре, Александре,/ Христа ради пострадавшии даже до крове,/ Егоже молитесь усердно,/ яко Начальника и Совершителя спасения,/ Русь Святую утвердiti в Православии// до скончания века.

НА УТРЕНИ

По стихословии седален, глас 6:

Сквозе огонь мучения, яко свидетелие вернии, прошли естесет, блаженнии священномученицы Нижегородстии,/ сего ради с лики святых земли Русския/ в Небесном Отечестве торжествуете./ Помозите и нам быти верными Христу и спастися душам нашим.

Слава, и ныне, праздника

Величание:

Величаем вас,/ священномученицы Александре, Иоанне, Иоанне,/ Валенте, Андрее, Иоанне,/ Петре и Александре,/ и чтим честная страдания ваша,/ яже за Христа во утверждение на Руси Православия// претерпели естесет.

Псалом избранный:

1-й лик: Бог нам Прибѣжище и Сѣла, Помощник в скорбех, обретших ны зело.

2-й лик: Господи, воздвѣгни силу Твою и прииди, во еже спасти ны.

1-й лик: Глаголах о свидѣніих Твоих пред царі и не стыдѣхся.

По полиелѣи седáлен, глас 1:

Дóблии страдáльцы и служителие Таин Бóжих, / священномученицы славнии, / Цѣркве Рýсския похвалó и утверждѣние, / ныне, прáзднующе вашу пáмять, / Бóгу, прослáвльшему вас, благодарственно вопиѣм: / слáва Дáвшему вам крѣпость во страдáніих, / слáва Венчáвшему вы, / слáва Спасáющему нас вашими молѣтвами.

Слáва, и ныне, праздника

Степѣнна, 1-й антифóн 4-го глása. **Прокѣмен, глас 4: Пройдóхом сквозѣ огонь и вóду, // и извѣл есѣ ны в покóй.** Стих: Разжѣгл ны есѣ, якоже разжизáется сребрó. Всякое дыхáние: Евáнгелие от Матфѣя, зачáло 36.

Слава.. / Молитвами священномучеников Александра, Иоанна, / Иоанна, Валента, / Андрея, Иоанна, / Петра, Александра, / Милостиве, очисти, / множества согрешений наших.

И ныне / молитвами Богородицы.. Помилуй...

По 50-м псалмѣ стихѣра, глас 6:

Егда попусти Господь по грехóм нáшим / братоубѣйство, гонѣния и вѣры Христóвы поругáние, / вы, священномученицы наши славнии, / Цѣркве Россійския столпи непоколебѣимии явѣлися есте / и, кровь свою за Христá проли́яли, / пáству во едѣнстве соблюли есте. / Ныне же, на Небесѣх предсто́я с лѣки новомучеников, // мо́лите спастѣся душáм нáшим.

Канон праздника и святых, глас 4.

Песнь 1

Ирмос: Моря чермную пучину/ невлажными стопами/ древний пешешествовав Израиль,/ крестообразными Моисеевыми руками// Амаликову силу в пустыни победил есть.

Священномученицы славнии, молитесь Бога о нас.

Воли Божией послушливы были,/ священства дар прияли есте, священномученицы Александре, Иоанне и Петре,/ и, за Христа даже до смерти пострадали,/ вернии сынове Церкви явились есте.

Изгнание и разлучение с паствою вашею мужественно претерпели есте, священномученицы Александре, Иоанне и Андрее,/ но ничтоже возможно разлучити вас от любви Божия.

Безбоязненно проповедовали есте людям покаяние, священномученицы Валенте и Иоанне,/ да обратят сердца своя к Богу/ и токмо на Него в скорбех и лишениях упование имут.

Богородичен: Мати Божия,/ дом Твой, Святая Русь, молит Тя:/ избави люди Твоя от всякия нужды и вечнаго осуждения.

Катавасия праздника

Песнь 3

Ирмос: Веселится о Тебе Церковь Твоя, Христэ, зовущи:/ Ты моя крепость, Господи,// и прибежище, и утверждение.

Егда прииде испытание веры ваша, священномученицы славнии,/ страдание за Христа, яко благодатный дар, прияли есте/ и кровию вашею Русскую землю обагрили есте.

Егда прииде гонение от безбожных,/ столпи непоколебимии Русския Церкви явились есте, священномученицы,/ святых, яко ближних сродник, в помощь призывая,/ с нимиже купно ныне прославляетесь.

Аще и умерщвлѣни были есте тѣлом, священномученицы,/ обаче
духом козни диавольския посрамѣли есте,/ имѣя Христа прибѣжище и
утверждение.

Богородичен: Тя Предстательницу, Пречистая Дѣво, молим:/ преложи
нашу печаль на радость и скорбилежащая избави, Заступнице наша.

Кондак и икос праздника

Седален, глас 3:

Завѣты исповѣдников и священномучеников Христовых восприяша,/
души ваша за веру Православную положили есте, святии,/ еюже
утверждается земля Русская./ Сего ради молитесь, священномученицы
славнии,/ любовью чтущим вас верными Христу до конца быти.

Слава, и ныне, праздника

Песнь 4

Ирмос: Вознесена Тя видевши Церковь на Крестѣ,/ Солнце
Праведное,/ ста в чине своем,/ достойно взывающе:// слава силе Твоей,
Господи.

Да не дерзают языцы рещи: где есть Бог ваш?/ Кровь бо
новомучеников от земли нашея вопиет:/ Господи, Господь наш, яко чудно
имя Твое по всей Русстей земли.

Имже образом желает елень на источники водныя,/ сѣце вы,
страстотерпцы, к живоносным страданием за Христа притекли есте,/
имиже присно священно обновляется лице земли Русския.

Вся земная ни во что вменили Христа ради,/ словом и житием,
священномученицы славнии, верных поучали есте:/ о Бозе сотворим
силу,/ и Той унижит стужающих нам.

Богородичен: Стена неборимая и Покров всемогущий Россійским
новомучеником явилася еси, Пресвятая Дѣво,/ темже Тя величаем.

Песнь 5

Ирмос: Ты, Господи мой,/ Свет в мир пришёл еси,/ Свет Святый, обраща́й из мра́чна невѣдения// вѣрою воспева́ющия Тя.

Яко лучи Со́лнца Пра́вды яви́лися есте, священномученицы,/ и страда́ньми вашими мглу безбо́жия над Оте́чеством на́шим разсе́яли есте.

Егда́ безбо́жнии тща́хуся сокры́ти вас в темни́це, священномученицы славнии,/ Госпо́дь яви вас испове́дники Своя всем концём земли́ Ру́сския.

Ру́сския Це́ркве свети́льницы свяще́ннии,/ крове́ми мученическими неугаси́мо светя́ще и у Престо́ла Бо́жия предсто́яще,/ моли́тесь о чту́щих вас.

Богородичен: Иже от Де́вы неизрече́нно рождѣ́ся, Господи,/ сохрани́ моли́твами Ея́ Це́рковь Твою́,/ Тебе́ сла́вящую правосла́вными гла́сы.

Песнь 6

Ирмос: Пожру́ Ти со гла́сом хвалѣ́ния, Господи,/ Це́рковь вопиѣ́т Ти,/ от бесо́вския кро́ве очи́щшися/ ра́ди ми́лости от ребр Твои́х// истѣ́кшею Кро́вию.

Восприя́ша меч духо́вный, иже есть глаго́л Бо́жий,/ безбо́жных ко́зни сокруши́ли есте, священномученицы свяще́нии,/ и вся разжѣ́нныя стрѣ́лы лука́ваго угаси́ли есте щито́м вѣры Правосла́вныя.

Во свяще́нницех благоче́стно пожи́вшие и мучѣ́ния путь терпе́ливо воспри́имшии,/ сугу́бую мзду на Небесе́х обрѣ́ли есте, священномученицы наши славнии,/ иде́же ева́нгельски при́сно ра́дуетесь и весели́тесь.

Ничто́же возмо́же разлучи́ти вас, богопри́ятнии, от любве́ Христо́вы:/ ни скорбь, ни гоне́ние, ни смерть,/ вся бо сия́ си́лою Возлю́бльшаго вас Госпо́да препобе́дили есте, священномученицы.

Богородичен: Поём Тя, Предста́тельнице тёплая и Засту́пнице христиа́н, Богороди́це Всепе́тая,/ я́ко со все́ми святы́ми земли́ Ру́сския мо́лиши Сы́на Твоего́ и Бо́га на́шего/ обрести́ нам ве́лию ми́лость.

Конда́к, глас 2:

Восхва́лим, ве́рнии, изря́дных во свяще́нниках/ и сла́вных в му́ченицах/ Алекса́ндра, Иоанна, Иоанна,/ Валента, Андрея, Иоанна,/ Петра и Алекса́ндра,/ Правосла́вия поборо́нников и благоче́стия ревни́телей,/ земли́ Ру́сския кра́сное прозябе́ние,/ иже страда́нием Небесе́ дости́же/ и та́мо те́пле мо́лят Христа́ Бо́га// спасти́ся душа́м на́шим.

Ўкос:

Красу́йся и лику́й, Це́рковь Ру́сская,/ я́ко благопло́дная лозы свяще́нных страда́льцев израсти́вшая,/ добропобе́дным муче́нием сердца́ ве́рных укрепивших,/ за́поведи Госпо́дни испо́лнявших и прісно ева́нгельски учивших:/ прииді́те, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в ге́енне./ Те́мже, священномуче́ницы наши славнии, моли́те Христа́ Бо́га спасти́ся душа́м на́шим.

Песнь 7

Ирмо́с: В пе́щѣ авраа́мстии о́троцы перси́дстей,/ любóвию благоче́стия па́че,/ неже́ли пла́менем, опаля́еми, взы́ваху:// благослове́н еси́ в хра́ме сла́вы Твое́я, Го́споди.

Я́ко три́е о́троцы, в пе́щѣ вавило́нстей пла́менем объ́ятии, моли́твою не сгара́ху,/ та́ко вы, священномуче́ницы земли́ наше́я, во огні́ муче́ний благода́тию ве́ру сохра́нили есте́./ Сего́ ра́ди ны́не с новомуче́ники Росси́йскими лику́ете:/ благослове́н еси́, Бо́же отце́в земли́ наше́я.

Я́коже дре́вле о́троцы, в пе́щѣ неопалѣ́еми, злато́му истука́ну не поклоні́шася,/ та́ко же и вы, священномуче́ницы славнии, огне́м муче́ний неопалѣ́еми,/ безбо́жие небо́язненно обли́чали есте́, взы́вая с новомуче́ники Росси́йскими:/ благослове́н еси́, Бо́же отце́в земли́ наше́я.

Же́ртвы живые и всесо́жже́ние Творцу́ себѣ́ самих прино́ся, священномуче́ницы,/ с новомуче́ники Росси́йскими воспева́ли есте́:/ могу́щии, пока́ряться, я́ко с на́ми Бог отце́в земли́ наше́я.

Богорóдичен: Яже пáче умá и естества́ Бóга рóждши,
Неискусомúжная Марíе,/ чтúщия Тя от враг вíдимых и невíдимых
избáви,/ Ты бо есí земли́ отцёв нáших Держáва необорíмая.

Песнь 8

Ирмóс: Рúце распростёр, Даниíл/ львов зия́ния в рóве затчé;/
огненную же сíлу угасíша,/ добродéтелию препоя́савшеся,/ благочéстия
рачítели óтроцы, взывáюще:// благословíte, вся дела́ Госпóдня, Гóспода.

Зéмлю Рýсскую, безбóжными гонéнии нещáдно жегóмую,/ слезáми и
кровьмí вашими напо́или есте, священномúченицы славнии,/ сего́ рáди
плоды́ вéры, ча́да церкóвная, возрастíли есте.

Злóбы мучítелей не убо́ялися есте,/ огнём любвé Божéственныя тýя
препобедíв,/ тёмже благодáть моли́тися о нас стяжáли есте,
священномúченицы, достохвáльнии.

Благословля́я гонítелей ваших, блажénнии священномученицы,/
усérдно моли́лися есте за них,/ да пока́ются и кúпно с вёрными брáтиями
благословя́т Гóспода.

Богорóдичен: Христа́ зря́щи умерщвля́ема, Многопéтая Влады́чица,/
и вíдящи исполнéние Сímeонова проречéния, слезя́щи взывáше:/
благословéн есí, Бóже, во вéки.

Песнь 9

Ирмóс: Ка́мень неруко́сечный/ от несекóмыя горы́, Тебé, Дéво,/
краеугóльный отсечéся,/ Христóс, совокупíвый разстоя́щаяся естества́.//
Тем, веселя́щеся, Тя, Богорóдице, велича́ем.

Рука́ми беззакóнных убиéни,/ жéртвы благоприятныя и во́льное
заколéние Бóгу принéслися есте, святчи́ Бóжие Валенте, Иоанне и
Александре,/ Тем благодарне пáмять вашу почита́ем.

Госпóдь, исполня́я смотре́ние Своё о Цérкви Рýсстей,/ заступники
вас, священномúченицы Иоанне, Андрее и Петре, соде́ла./ Тёмже
моли́тесь Емú, во благочéстии нам пребы́вати и спастíся душáм нáшим.

О бѣдна благаго Божія! Дарова бо Бог возлюбленным Своим веры ради пострадати/ и вас, священномученицы Александре и Иоанне,/ яко плоды краснии спасительнаго сѣяния, избра от земли Русския.

Богородичен: Разори советы вся, на ны вооруженныя, Мати Бога Вышняго,/ и радости исполни уповающия на Тя,/ да усердно вси Твое проповедем заступление.

Светилен:

Паству хлебом слова Божія насыщая/ и вином премудрости священныя напоая,/ теплотою любви вашае дары сия растворили есте, священномученицы славнии./ И ныне высоким проповеданием вещаете чадом Церкви Русския:/ приступите ко Господу, и просветитесь,/ и лица ваша не постыдятся.

Слава, и ныне, праздника

На хвалитех стихиры праздника и святых, глас 4.

Дал еси знамение земли Русстей, Господи,/ священномученики, угодники Твоя,/ яко да теми умолен бывая,/ отвориши праведный Твой гнев,/ и не погибнет святая и боголюбивая Русь// предстательством новых страстотерпец.

Жертву хваления присно Господеву принося,/ священномученицы славнии,/ в конец самих себе в жертву живу и святу,/ благоугодну и совершенну представили есте,/ темже вам верно вопием:/ благоприятны сотворите молитвы наша// о благостоянии Церкви Русския.

Предстатели Церкви Русския,/ священномученицы всехвальнии,/ выну зрите Лице Господа на Небесех,/ не презрите ни единого от малых чад ея,/ но радостно покаяние наше примите/ и молитесь присно// сыновом Российским спастися.

Слава, глас 8.

О, преславнаго чудесе!/ Яко крини посреде терния,/ в страданиях за Христа процвели есте,/ священномученицы Александре, Валенте, Иоанне,/ Петре, Иоанне, Андрее,/ Иоанне и Александре,/ да не затмится в земли нашея свет Православия/ во откровение языком и славу народа

Рúсского./ И ны́не, в селéниях ра́йских пребыва́ете,/ неувядаемо
благоуха́ете// ве́ре вашей подража́ющим.

И ны́не, праздни́ка

Славосло́вие вели́кое. И отпу́ст.

НА ЛИТУРГІИ

Прокимен праздника и святых Проки́мен, глас 7: Честна́ пред
Го́сподем// смерть преподо́бных Его́. Стих: Что возда́м Го́сподеви о всех,
я́же воздаде́ ми?

Апо́стол к Ри́мляном, зача́ло 99.

Аллилу́ия, глас 2: Свяще́нницы Твой облекúтся в пра́вду, и
преподобнии Твой возра́дуются. Стих: Бог нам Прибе́жище и Си́ла,
Помо́щник в ско́рбех, обрётших ны зело́.

Ева́нгелие праздни́ка и святых от Луки́, зача́ло 106. Конёц: В
терпéнии ва́шем стяжи́те душа́ ва́ша.

Прича́стен праздни́ка и святых: В па́мь вéчную бу́дет пра́ведник:

Мо́лѣтва

О, избра́нницы и уго́дницы Христо́вы, священномученицы славнии Александре, Иоанне, Иоанне, Валенте, Андрее, Иоанне, Петре и Александре, Це́ркве Ру́сския столпи непоколебѣмнии, земли́ на́шея благо́е прозябѣние и кра́сный плод, сродников ваших предста́тели и наста́вницы! Вы во вре́мя гонѣния безбо́жнаго от сокровищниц душ ваших спаси́тельное испове́дание Правосла́вныя ве́ры изне́сли есте, и лю́дем ве́рным па́стыри до́брии яви́лися есте, ду́ши ваша за Христа́ и Его́ о́вцы полага́я и лю́тыя во́лки далѣче отгоня́я. Ны́не у́бо при́зрите на нас, недостойных чад ваших, умилѣнною душе́ю и сокруше́нным се́рдцем вас призыва́ющих. Умо́лите Го́спода Бо́га, да прости́т согреше́ния на́ша и изба́вит от а́довых уз и ве́чнаго мучѣния. Утверди́те нас в ве́ре святе́й, научи́те нас всегда́ твори́ти во́лю Бо́жию и храни́ти за́поведи церко́вныя. Бۇдете па́стырем на́шим пра́вило ве́ры, вои́ном вожди духо́внии, боля́щим врачѣ изря́днии, печа́льным утѣшителие, гонѣмым засту́пницы, ю́ным наста́вницы, всем же благосе́рдии и те́плии моли́твенницы, я́ко да моли́твами вашими соблюде́тся в Правосла́вии Свята́я Русь и непреста́нно сла́вится в ней ѿмя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.